



गुथि सम्पत्ति दुरुपयोग पनेमा:

गुथिया सम्पत्ति लाथेपाथे दुरुपयोग याना वयाच्चंगु दु : सर्वोच्च

• लहना संवाददाता

सर्वोच्च अदालतं गुथि जग्गा व सम्पत्ति धार्मिक व सांस्कृतिक उद्देश्यया नितिं जक छ्यले दइगु व्याख्या या:गु दु। गुथिया सम्पत्ति दुरुपयोग पनेत व संरक्षण यायेमा:गु माग यासै सर्वोच्च अदालतय् दायर जूगु रिटय् व्याख्या यासै गुथिया जग्गा व्यापारिक प्रयोजनय् मखुसे देगल्य् नित्य पूजा, नख: चख: व सांस्कृतिक गतिविधिया नितिं जक छ्यलेमा:गु व्याख्या सर्वोच्च अदालतं या:गु ख:।

लिपांगु इलय् गुथिया जग्गा व्यापारिक प्रयोजनया नितिं छ् यलेगु अप्वया वनाच्चंगु इलय् सर्वोच्च अदालतया संवैधानिक इजलाशं जारी या:गु पूर्ण पाठय् व्यापारिक प्रयोजनया नितिं बीगु ज्या दिकेगु स्पष्ट निर्देशन नं बिउगु दु। लिसै गुथिया सम्पत्ति गुथि संस्थानया पदाधिकारीतय्सं लाथेपाखे दुरुपयोग याना वयाच्चंगु धासै गुथिया सम्पत्ति छ्यले न्ह्य: विद्वानत लिसे परामर्श, सरोकारवालतय् राय व अनिवार्य विस्तृत अध्ययन यायेमा:गु खँ नं आदेशय् धयात:गु दु।

उकथं हे सर्वोच्चया आदेशय् गुथि संस्थान, संस्थानया प्रशासक,



सञ्चालक व अध्यक्षयात गुथिया सम्पत्ति संरक्षा व धार्मिक व सांस्कृतिक दायित्व नालेत नं निर्देशन बिउगु दु। सर्वोच्च अदालतं गुथि संस्थान, भूमि व्यवस्था, सहकारी तथा गरिबी निवारण मन्त्रालय व प्रधानमन्त्री लिसे मन्त्रिपरिषदया कार्यालयया नामय् परमादेश जारी या:गु दु। गुथि संस्थानया स्वायत्तता कायम यायेत

सीवधानया धारा २९० कथं स्वायत्त व स्वनिर्वाचित निकायया रुपय् सञ्चालन यायेमा:गु खँ नं धयात:गु दु।

भिस्रवदै न्ह्य: दायर या:गु रिटयात कया: सुनुवाइ यासे तत्कालीन प्रधानन्यायाधीश विश्वम्भरप्रदा श्रेष्ठ, न्यायाधीशपिं प्रकाशमान सिंह राउत, सपना प्रधान मल्ल, कुमार रेग्मी व हरिप्रसाद फुँयालाय संवैधानिक

इजलासं २०८१ असार १० गते उगु आदेश बिउगु ख:। उगु रिटयात कया: वंगु छुं न्हि न्ह्य: सार्वजनिक जूगु पूर्णपाठय् गुथिया जग्गा २०/२५ दैया नितिं लिजय् बीगु २०६९ माघ २३ गतेया विज्ञापनयात सर्वोच्च अदालतं गुथिया मर्म अ:ख: जूगु ज्या नं धयात:गु दु।

स्वनिगलय् च्वंगु गुथिया जग्गाय्

व्यापारिक कम्प्लेक्स दयेकेगु न्ह्यथंसै गुथि जग्गा दुरुपयोग जूगु खँ नं फैसलाय् न्ह्यथनात:गु दु। थज्या:गु ज्या गुथिया धार्मिक सांस्कृतिक महत्वयात कमजोर याइगु खँ नं फैसलाय् धयात:गु दु।

थ्वहे इवल्य् आदिवासी नेवा: राजनीतिक अभियानया ग्वसालय् जूगु ज्याइवल्य् न्वायेगु इवल्य् पुलांमह परराष्ट्र विद लिसे राजदूत हिरण्यलाल श्रेष्ठ थँबही दयेकाच्चंगु छाँयादेवी कम्प्लेक्स थुना: पलेस्वां पुखू दयेकेगु मा:गु खँ धयादीगु दु। वय् कलं पुरातात्विक पलेस्वां पुखू राष्ट्रिय गौरवया सम्पदा जूगुलिं उकियात म्हासे याके मजिउ धासै पुखूयात संरक्षण यायेगु नितिं म्हासे या:पिं पाखे हे क्षतिपूर्ति पुइकेमा:गु खँ नं धयादीगु दु।

वंगु वैशाख १० गते बुधवा: जूगु ज्याइवल्य् छाँयादेवी कम्प्लेस दयेकूगु इलं निसै न्ह्या:गु संघर्षया किपा:, भिडियो, अन्तर्क्रिया ज्याइव:, थीथी सञ्चार क्षेत्रय् पिहां व:गु समाचारया फोटो, उजुरी, निवेदन, समर्थन सहितया प्रेस विज्ञप्ति, ऐतिहासिक प्रमाण, कानुनया बुँदा, न्यामह सांसदतय्सं संघीय सदन व बागमति प्रदेशसभाय् ल्यं ७ पेजय्

‘यै मनपा दुनेया भ्रष्टाचार अख्तियारं छानविन याय्मा:’



लहना वा:पौ/ उपमेयर सुनिता डंगोलं यै महानगरपालिकाय् अनियमितता व भ्रष्टाचारया खँ वयाच्चंसां नं नियामक निकाय सुम्क च्वनाच्चंगु धासै अतिथ्यारया ध्यानकर्षण याकूगु दु। वंगु शनिवा: पत्रकारत लिसे खँ ल्हायेगु इवल्य् वय्कलं उगु ध्यानाकर्षण याकूगु ख:।

वय्कलं जनतायात न्ह्याबलें भ्रमय् तयातये मजिउ धासै धयादिल,

‘महानगरय् थुलिमछि फाइल दु धयाच्चंगु दु। अख्तियारं छानविन यायेम्वा:ला ? जिगु विशेष इनाप दु, गुगुं नं दबाव व प्रभावय् मलासै निष्पक्ष छानविन यायेमा:। भीसं सुशासनया नारा थ्वयेका च्वनेगु, तर थुलिमछि अनियमितताया खँ वयाच्चंगु इलय् न्ह्यामह हे दुथ्या:गु ख:सां नं कारबाही जुइ माल। वय्कलं छम्हेस्यां जक भ्रष्टाचार यानाच्चंगु ख: कि संगठित

ल्यं ७ पेजय्





नेवाः राष्ट्रिय म्ये

चमि : दुर्गालाल श्रेष्ठ लय् चिनामि : तिर्थ माली

धुन देने धुन सँन्त्यलं भी फुक्कं हे छम्ह जुइ धुन
भीगु लागाय् भी स्वयं हे जः जुया धुन लुइ धुन
ह्यांगु भुमिइ अष्टमण्डल ह्यांगु चाः दुने थी नगु
भीगु नेवाः ध्वाँय् थ्व हे खः ज्यान भी सकस्यां छ्मू
जातितय् स्वायत्त राज्यं लुइ कपं च्वय् फिलिमिलिं
राष्ट्र भःभः धाय्क न्ह्याके भीगु चःतिं भीगु हिं

सम्पादकीय



सामाजिक संजालय् नियमन गुकथं

लोकतान्त्रिक पद्धति धइगु विधिइ आधारित खः । थःगु अधिकार ह्यलेगु इलय् मेपिनिगु अधिकार लाका कायेगु धइगु लोकतान्त्रिक जुइ फइमखु । स्वतन्त्रता नं स्वशासन खः । सुं नं मन् वा संस्थां याइगु ज्या आत्म-अनुशासनया आधारय् जुइफुसा दकलय् न्हापां लाभ उगु संस्थायात जुइ । निगूगु, उगु संस्थाप्रति आम जनताया आकर्षण अप्वया वनी, तर आः आत्मसंयमित जुइगु स्वयां नं मेपित न्हातं सुयाः पतिइ क्यनेगु प्रवृत्ति ब्वलंगु दु । गुलिखे संगठनत थःगु हे गतिविधिया बारे अनभिज्ञ जुयाच्वंगु दु । थ्व सिकं वा मसिइकं याइगु खः । थज्याःगु ज्या आपालं हे संस्थाय् खनेदूगु दु । सामाजिक सञ्जाल नं थुकी अपवाद जुइ फुगु मदु, बरु अप्वः खनेदूगु दु । सूचना प्रविधिया विकासया व्यापक आयामं सामाजिक सञ्जालयात संचार व मनोरञ्जनय् मन्तय्गु सतिगु पासा दयेका बिउगु दु । सामाजिक सञ्जालपाखे संचार, सुचं व मनोरञ्जनया संसारय् हरेक मन्थात स्वाना यंकूगु दुर । छुं छुं सामाजिक सञ्जाल दुनेया छुं छुं सामग्रीयात असामाजिक कथं न्ह्यब्वया यंकूगु खनेदु । आधारहिन खँ, चरित्र हत्या, गोपनीयताय् आक्रमण, अशिललता थौकन्ह्य यक्को खनेदच्वंगु दु । स्वतन्त्रताया नामय् म्वाः मदुगु सामग्री विकृति व विसंगति वयाच्वंगु दु । अपराध अप्वःगु दु । उकिं लोकतन्त्र व स्वतन्त्रताया मूल्य मान्यता व सारयात प्रवर्द्धन यायेगु निंतिं सामाजिक सञ्जालया भूमिकायात कयाः आपालं न्ह्यसः ब्वलनाच्वंगुलिं नियमनया सः नं तच्चया वःगु खः । सामाजिक सञ्जाल दुनेया विसंगतिं साइबर सुरक्षायात कयाः न्ह्यसः ब्वलंकाच्वंगु दु । व्यक्तिगत गोपनीयतानिसें कयाः डिजिटल वित्तीय कारोबार तकया खँय् समस्या अप्वया वनाच्वंगु दु । उकिं हे सामाजिक सञ्जालया नियमन आवश्यक जूगु दु । विसंगतियात म्हो यायेगु दकलय् बांलाःगु उपाय धइगु आत्मनियमन खः । तर अथे जुइमफइगु जूगुलिं संस्थागत नियामक संरचना आवश्यक जूगु दु । नियमनं व्यक्तिगत स्वतन्त्रतायात अतिक्रमण याइगु ग्याःचिक् नं दु, तर साइबर सुरक्षा व सामग्री ल्ययेगु थेंज्याःगु विषययात ध्यानय् तयाः सामाजिक सञ्जालया निंतिं सम्पर्कया माध्यमया धलः दयेकेगु, नियमन यायेगु व निर्दिष्ट यायेगु आवश्यक जूगु दु । थुनिया निंतिं सरकारं सामाजिक सञ्जाल दर्ता यायेत आह्वान याइगु स्वभाविक खः । दर्तायात नकारात्मक रुपं थुइके मज्यु । गोपनीयताया सन्दर्भय् गुगुं नं देसं सामाजिक सञ्जाल सञ्चालकतय्गु ग्वाहालि कायेफइ । थुकिं आपराधिक अनुसन्धानय् ग्वाहालि नं पवनेफु । सामाजिक सञ्जाल दर्ता साइबर सुरक्षानिसें डाटा सुरक्षा तकया फुक्क खँय् ग्वाहालि यायेफइ । सरकारं लच्छि न्ह्यः सुचं पिथनाः सामाजिक सञ्जाल दर्ता प्रक्रिया न्ह्यःने यंकूगु दु । थ्व नं सरकारं सामाजिक सञ्जाल सञ्चालकतलिसे याये चाहेजूगु औपचारिक संवाद खः । मेकथं थुइकेगु गलत जुइफु । यदि सामाजिक सञ्जाल दुनेया अराजक पक्षयात नियन्त्रण याये मफुत धाःसा वइगु दिनय् अभ्र नं समस्या वयेफु ।

टिकटक, भाइबर आदि संस्था दर्ता जुल, तर उत्साहजनक सहभागिता मन्तुना थें खने मन्त । सरकारया प्रवक्ता व संचार व सूचना प्रविधिमन्त्री पृथ्वीसुब्बा गुरुङ सामाजिक सञ्जालयात व्यवस्थित यायेत प्रतिबद्ध खनेदु । उगु प्रक्रियाय् सामाजिक सञ्जालयात समाजप्रति जवाफदेही दयेकेगु व सामाजिक सञ्जाल सञ्चालकतय्गु निंतिं सम्पर्क विन्दु निर्धारण यायेत सूचीकरण आवश्यक जुइगु स्वाभाविक खः । राष्ट्रिय स्वतन्त्रता, स्वतन्त्रता, भौगोलिक अखण्डता व समाजया समग्र हितयात ध्यानय् तयाः थुगु पलाः न्ह्याकूगु खः । सामाजिक सञ्जालया धलः व नियमनं सामाजिक सञ्जालया मर्यादायात अभ्र अप्वयेके फइ । सामाजिक सञ्जालया कारणं सुं नं व्यक्ति वा संस्थाया शिकार जुइकथं थुकिं हिउपाः हःगु खनेदु ।

सरकार गन व्यस्त जुयाच्वन ?



दिलीप शाही “शांतिथज्जु”

छवे शिक्षक आन्दोलन जुयाच्वंगु दु । शिक्षा ऐनया माग यासें शिक्षकतय्सं आन्दोलन यानाच्वंगु लच्छि दइन । तर सरकारं शिक्षकतय् माग पूर्वके फइगु वा मफइगु खँय् स्पष्ट याये फयाच्वंगु मदु । अथे ला सरकारं शिक्षकतय् माग पूर्वकेत २ खर्ब ध्यबा मालिगु खँ धायेगु यानाच्वंगु दु । तर छुकिया निंतिं २ खर्ब ध्यबा माली धइगु खँ जनतायात स्पष्ट यानाच्वंगु मदु । न्हिथं न्ह्यानाच्वंगु शिक्षकतय् आन्दोलनया कारणं यानाः भविष्यया कर्णधार धाःपिं विद्यार्थीया भविष्य वर्वाद जुइगु अवस्था जुयाच्वंगु दु । तर सरकारं शिक्षकतय् थ्व थ्व माग पूर्वके फइ । थ्व थ्व माग पूर्वके फइमखु धकाः स्पष्ट रुपं धयाच्वंगु दु । थुकिं छुं खँयात स्पष्ट याः धाःसा सरकार शिक्षकतय् आन्दोलन प्रति चिन्तित जुयाच्वंगु मदु । खः वर्तमान प्रधानमन्त्री कपी शर्मा ओली थः प्रतिपक्षय् च्वनाच्वंगु इलय् आन्दोलन यानाच्वंपिं शिक्षकतय्त समर्थन यासें धाःगु खः ‘गुरुपित दुःख बीमजिउ । गुरुपि आन्दोलनय् कुहां वयेगु वातावरण दयेके मजिउ । गुरुपिनिगु माग गुलि फु उलि याकनं वचायेकेमाः ।’ तर थौं थः हे प्रधानमन्त्री जुयाच्वंगु इलय् गुरुपिसं याःगु आन्दोलनयात नजरअन्दाज यायेगु जक मखु उकिया निंतिं सहानुभूति तकं प्वकेगु ज्या वर्तमान प्रधानमन्त्री केपी ओलीया सरकारं यानाच्वंगु मदु । थ्व धइगु देय्या निंतिं बिडम्बनाया खँ खः । थः प्रतिपक्षय् दुगु इलय् छ्मू खँ ल्हायेगु अले थः सरकारय् वनेधुंकाः मेगु खँ ल्हायेगु राजनीतिक पार्टीया न्हिथंया खँ जुइ धुंकल ।

उकथं हे माओवादी अध्यक्ष पुष्पकमल दाहाल नं आन्दोलनय् वयाच्वंपिं शिक्षकतय् समर्थन यासें आन्दोलनयात अभ्र तच्चयेकेमाःगु खँ धायेगु यानाच्वंगु दु । तर स्वयम् दाहाल प्रधानमन्त्री जुयाच्वंगु इलय् थम्हं छु याना धकाः जनतायात स्पष्टिकरण बीमाः कि म्वाः धइगु न्ह्यसः ब्वलनाच्वंगु दु । शिक्षकतय् माग आः जक मखु पञ्चायत कालं निसें थाति लानाच्वंगु दु । तर थौं लोकतान्त्रिक गणतन्त्रय् नं पञ्चायत कालनिसें न्ह्यानाच्वंगु शिक्षकतय् आन्दोलन निरन्तर जुयाच्वनेगु धइगु लोकतान्त्रिक देय्या निंतिं बिडम्बनाया खँ खः । शिक्षकतय् माग गुलि जायज नाजायज धइगु खँ चिरफार जुइमाः । शिक्षकतय् माग गुलि पूर्वके फइ ? गुलि पूर्वके फइमखु धइगु खँया स्पष्ट सरकारं यायेमाः । खः आर्थिक कारणं यानाः शिक्षकतय् माग पूर्वके मफइगु अवस्था दुगु खःसा उमित उगु हे कथं वार्ता यानाः तत्काल पूर्वके फइगु मागयात पूर्वकेगु ज्या

यायेमाःगु खः । तर गुगुं नं राजनीतिक पार्टीतय्सं शिक्षकतय् मागयात इलय् सम्बोधन मयाःगुया लिच्चः खः थौं लच्छि न्ह्यवनिसें न्ह्यानाच्वंगु शिक्षक आन्दोलन । शिक्षकतय् आन्दोलनया कारणं यानाः ५५ लाख विद्यार्थी भर्ना यायेगु ज्या प्रभावित जूगु दु । उकथं हे १२ तर्गिया ५ लाख विद्यार्थीया परीक्षा अन्यौलय् लानाच्वंगु दुसा एसईईया ५ लाख ५० हजार विद्यार्थीया लिच्चः अनिश्चित जुयाच्वंगु दु । थुकथं लाखौं विद्यार्थीया भविष्य वर्वाद जुइगु अवस्थाय् सरकार धाःसा शिक्षकतय् आन्दोलनयात मखंछु यानाच्वंगु धइगु सरकार देय् व जनताया भविष्य प्रति चिन्तित मदु धइगु स्पष्ट जुयाच्वंगु दु । थुकथं विद्यार्थीया भविष्य अनिश्चित

फयेमालिगु अवस्था वयेगु धइगु देय् गुखेपाखे न्ह्यानाच्वन न्ह्यसः ब्वलनीगु स्वभाविक खः ।

थौं चिकित्सकतय्गु आन्दोलनया कारणं यानाः देय् फुक्कं धयाथें अस्पताल बन्द जुयाच्वंगु दु । आन्दोलनया कारणं यानाः आकस्मिक सेवा बाहेक फुक्कं धयाथें सेवा बन्द जुयाः विरामी वासः याकेगु अवस्थं बन्चित जुइगु अवस्था वइगु धइगु सरकारया नालायकीपना खः । संविधानं व्यवस्था यानातःगु जक मखु सरकारं तकं धायेगु यानाच्वंगु दु शिक्षा स्वास्थ्य जनताया नैसर्गिक अधिकार खः । तर थौं जनता थ्वहे नैसर्गिक अधिकार वन्चित जुइमाःगु अवस्था वयाच्वंगु दु । छवे विरामी जनता वासः यायेगु अवसर वन्चित



स्वयम् सरकारी निकाय चिकित्सा शिक्षा आयोगां

सिफारिस याःगु निर्वाह भत्ता निजी मेडिकल कलेजतय्सं

उकियात अस्वीकार याना वयाच्वंगु दु ।

निकायं सिफारिस याःगु निर्वाह भत्तायात निजी मेडिकल क्षेत्रं अस्वीकार यायेगु धइगु सरकारया निर्णयया

अवसा यायेगु खः ।

याइगु सरकारया औचित्य पुष्टि गन जुइ धइगु न्ह्यसः नं थन ब्वलनाच्वंगु दु । विद्यार्थीया भविष्य अनिश्चित जुइगु धइगु केवल विद्यार्थीया भविष्य अनिश्चित जुइगु मखु थ्व ला देय्या भविष्य हे अनिश्चित जुइगु खः धइगु खँ सरकारं थुइकेगु गबलय् ? न्ह्यसः ब्वलनाच्वंगु दु ।

उकथं हे न्ह्यानाच्वंगु मेगु आन्दोलन खः । आवासीय शिक्षकतय्गु । आवासीय शिक्षकतय्सं थःपित सरकारी सरह मासिक निर्वाह भत्ता बीमाःगु माग यानाः आन्दोलन यानाच्वंगु दु । चिकित्सकतय्सं नं वंगु लच्छि न्ह्यवनिसें आन्दोलन यानाच्वंगु दु । तर सरकारं शिक्षकतय् मागयात वेवास्ता याःथें चिकित्सकतय् मागयात नं वेवास्ता यानाच्वंगु दु । स्वयम् सरकारी निकाय चिकित्सा शिक्षा आयोगं सिफारिस याःगु निर्वाह भत्ता निजी मेडिकल कलेजतय्सं उकियात अस्वीकार याना वयाच्वंगु दु । सरकारी निकायं सिफारिस याःगु निर्वाह भत्तायात निजी मेडिकल क्षेत्रं अस्वीकार यायेगु धइगु सरकारया निर्णयया अवज्ञा यायेगु खः । निजी मेडिकल कलेजतय्सं विद्यार्थीयाके आपालं ध्यबा म्हायेगु लिसे अन भर्ना जूपिं विरामीयात थिकेगु सेवा बीगु तर उगु सेवाय् खटे जूपिं चिकित्सकतय्त निर्वाह भत्ता मबीगु धइगु छ्मू कथं श्रम शोषण खः । अले देय्या चिकित्सकतय्सं तकं श्रम शोषण

जुयाच्वंगु दु । मेखे जनता शिक्षा कायेगु पाखे वन्चित जुइमाःगु अवस्था जुयाच्वंगु दु । थुकथं स्वयेगु खःसा वर्तमान सरकार निश्चित रुपं असफल जूगु दु ।

छ्मू जक मखु तःगु कथंया आन्दोलन जुयाच्वंगु दु । तर सरकार धाःसा थम्हं थ्व याना व याना धकाः बकफुस्तु खँ ल्हायेगुलिं व्यस्त जुयाच्वंगु दु । सरकारया आलोचनायात मत्थर यायेगुलिं युवा भेला यायेगुलिं सरकार व्यस्त जुयाच्वंगु दु । छु थुकिं देय् व जनताया भविष्ययात खःगु लेंपुइ यंकीला ? न्ह्यसः ब्वलनाच्वंगु दु । आःया आवश्यकता धइगु शिक्षक व चिकित्सकतय् आन्दोलनयात गुलि फु उलि याकनं समाधान यायेगु खः । अले जनतायात माःगु सेवा सुविधा अपुक चूलाकाबीगु खः । तर सरकारया सोच थुखेपाखे वनाच्वंगु मदु धइगु खँ स्पष्ट जुजुं वनाच्वंगु दु । छुं नं ज्या इलय् मजुल धाःसा उकिं वर्तमान ईयात जक मखु भविष्य नं लिच्चः लाकाच्वनी । यदि विद्यार्थीया भविष्य वर्वाद जुल धाःसा उकियात जिम्मेवारी वर्तमान सरकारं कायेगु खः कि मखु । थुकिं ब्वलनीगु आर्थिक व सामाजिक अराजकताया जिम्मेवारी कायेत सरकार तयार दु कि मखु । छैय् च्यानाच्वंगु इलय् बासुरी पुइगु पुनसंस्करण मेगु ब्वः थ्व सरकार खः ला ? जनता न्ह्यसः थनाच्वंगु दु । अले सरकार प्रमुख धाःसा थःगु हे गुणगानय् व्यस्त जुयाच्वंगु दु ।

हरिसिद्धि कारखानाया सम्भौता अःखः मिउगु जग्गा लित बीत माग - १

थःगु हि चःति लिसे
स्वानाच्वंगु जमिन
सरकारयात ठहो जक
मुआब्जा कयाः बीत
तयार जूगु कारण
खः देशय् प्रारम्भिक
औद्योगिकरणयात तिबः
बीगु । उगु इलय चीन
सरकारया उवाहालिइ
यलया हरिसिद्धिइ
अप्पा व टायल
कारखाना चायेकेगु
सरकारी ज्याभवः दुगु
खः । हरिसिद्धिया
स्थानीयबासीया सहमति
लिपा दैय् २ करोड
अप्पा व ५ लाख टायल
उत्पादन यायेगु आज्जु
कथं २०२२ साल फागुन
७ गते कारखानाया
शिलान्यास जुल ।
२०२५ सालय जुजु
महेन्द्र उलेज्या यात ।
उगु इलय चिनियाँ नेता
माओत्सेतुङ थुकथंया
सन्देश छव्याहःगु खः,
'कलकारखाना, पसः
व राज्यया स्वामित्वय्
दुगु फुवकं सहकारी व
मेगु उद्योग सञ्चालनय्
लगानशीलता व
मितव्ययीता अभ्यास
जुइमाः ।'



● लहना डेस्क

'मुक्ति सेना काण्ड' धाल धाःसा
हरिसिद्धिया स्थानीय बासिन्दा अभ् नं
लुमंकेगु याः २०११ सालय किसानया
जग्गा लित हयेत गां जानाः याःगु संघर्ष
व प्रहरीया यातनां गम्भीर धाःपा जुयाः
मदुपिं न्हय्म्ह हरिसिद्धिबासीया बाखं ।
उगु इलय किसानया हड्पे यानातःगु
३ रोपनी जग्गा अधिग्रहण लित
हयेत छप्यै जूपिं हरिसिद्धिया बासिन्दा
२०२१ सालय राज्य ७ सय रोपनी
जग्गा अधिग्रहण याःबलय् अःपुक हे
स्वीकार यात ।

थःगु हि चःति लिसे स्वानाच्वंगु
जमिन सरकारयात म्हो जक मुआब्जा
कयाः बीत तयार जूगु कारण खः
देशय् प्रारम्भिक औद्योगिकरणयात
तिबः बीगु । उगु इलय चीन सरकारया
ग्वाहालिइ यलया हरिसिद्धिइ अप्पा
व टायल कारखाना चायेकेगु
सरकारी ज्याइवः दुगु खः । हरिसिद्धिया
स्थानीयबासीया सहमति लिपा दैय्
२ करोड अप्पा व ५ लाख टायल
उत्पादन यायेगु आज्जु कथं २०२२
साल फागुन ७ गते कारखानाया
शिलान्यास जुल । २०२५ सालय जुजु
महेन्द्र उलेज्या यात । उगु इलय चिनियाँ
नेता माओत्सेतुङ थुकथंया सन्देश छ
वयाहःगु खः, 'कलकारखाना, पसः
व राज्यया स्वामित्वय् दुगु फुवकं सहकारी
व मेगु उद्योग सञ्चालनय् लगनशीलता
व मितव्ययीता अभ्यास जुइमाः ।'

कारखाना २०४८ साल तक
नाफाय् न्ह्यानाच्वंगु खः । मजदुर जक
५ सय स्वयां अप्वः ज्या यानाच्वंगु खः ।
२०४९ सालय तत्कालिन प्रधानमन्त्री
गिरीजाप्रसाद कोइरालाया पालाय् जू

कम्पनी निजीकरण नीतिं लिमिटेड
धरायसी जुल । २०५६ सालय २९९
जना कर्मचारी कटौती यात । २०५९
साल तक वःगु इलय उत्पादन ठप्प
जुइधुंकूगु खः । उगु इलय हरिसिद्धिया
जग्गाया भावं सर्ग थीधुंकूगु खः । वयां
लिपा कम्पनी सञ्चालकया नियत
स्यन । जग्गा मीगु आज्जु कथं २०६४
सालया साधारणसभा कच्चा पदार्थ
अभाव जूगु धासें उद्योग मेथाय् यंकेगु
व थौकन्हय् उद्योग दुगु थासय् मेडिकल
ग्लोबल भिलेज दयेकेगु निर्णय यात ।

गुगु सरकारलिसे जूगु
सम्भौता अःखः खः । सरकारलिसे
२०४९ सालय उद्योग सञ्चालन
यायेगु सम्भौताय् सुन्दरलाल भवानी
व नरसिंह बहादुर श्रेष्ठ कारखाना थःगु
ल्हातय् लाकूगु खः । २०६६ सालय
जग्गा नरसिंह बहादुर श्रेष्ठया काय्
पिं जीतबहादुर श्रेष्ठ व लक्ष्मीबहादुर
श्रेष्ठ हरिसिद्धि ईटा तथा टायल
कम्पनीया सहायक कम्पनी एनबी बाट्रा
हस्पिटल एन्ड मेडिकल रिसर्च सेन्टर
चायेकल । व राज्यलिसे कारखाना
सञ्चालन यायेगु सम्भौता यानाः
कम्पनी ल्हातय् लाकूपिं जीतबहादुर
व लक्ष्मीबहादुर श्रेष्ठ जानाः अधिकारया
दुरुपयोग यानाः धमाधम जग्गा मीगु
ज्या न्ह्याकल ।

वयां लिपा शेरधनी किसान
मजदुरतय्सं राज्ययाके कारखाना
सञ्चालन यायेत याःगु सम्भौता
अःखः मिउगु जग्गा हयेमाःगु माग
याना वयाच्वंगु दु । आइतबार
नं स्थानीय बासिन्दा कारखाना
न्ह्यःने विरोध प्रदर्शन याःगु दु ।
स्थानीय बासिन्दाया कथं उगु इलय

बीएन्डबी अस्पतालयात हरिसिद्धिया
सञ्चालकतय्सं साधारणसभा हे मयासे
कम्पनीया नामय् दुगु ४७ रोपनी,
वाग्मती हाउजिड व नेपाल क्यान्सर
अस्पतालयात २५/२५ रोपनी व
विजयदीप ल्याबोटेरीयात ५ रोपनी
जग्गा मिउगु खः । एनसीसी बैंक त्यासा
कयाः मपूगु धासें ११९ रोपनी २०६६ हे
थःगु नामय् दाखिला यायेधुंकूगु खः ।
काठमाडौं सेरामिक्स कम्पनीया नामय्
३ रोपनी व सरिता श्रेष्ठया नामय् २
रोपनी मीधुंकूगु दु ।

शेरधन संघर्ष समितिया उपाध्यक्ष
स्थानीय किसान पूर्ण महर्जन धयादित,
'२०६८ सालय संघर्ष समिति नीस्वनाः
हरिसिद्धि ईटा तथा टायल कारखानाया
सञ्चालक अर्थ मन्त्रालयलिसे याःगु
सम्भौता व जग्गा प्राप्ति ऐन २०३४
अःखः मिउगु धासें जग्गा लित बीमाःगु
माग याना वयाच्वंगु दु । थ्यंमथ्यं
निगू दशकया आन्दोलनया इवलय्
प्रधानमन्त्री, गृह मन्त्री, उद्योग, भुमि
व्यवस्था, सहकारी तथा गरिबी निवारण
मन्त्री, सांसद निसं कयाः राजनीतिक
दलया शिर्ष नेतात फुकसित पटक पटक
नापलानाः जग्गा लित हयेत हारगुहार
याना । तर, सरोकारवाला निकाय सुनां
नं जग्गा लित हयेगु पहल याःगु मदु ।'

वय्कःया कथं शेरधनी किसान
महजदुर संघया ताः ई तक याःगु
आन्दोलन लिपा २०७१ वैशाख २३
सं प्रधानमन्त्री तथा मन्त्रिपरिषदया
कार्यालय हरिसिद्धिया सञ्चालकयात
माःगु कारबाही यायेत अर्थ मन्त्रालय,
अनुगमन तथा मूल्यांकन महाशाखायात
पौ च्वल । अर्थ मन्त्रालय नं २०७१
असार ५ सं हरिसिद्धि ईटा टायल

कारखानाया नामय् गैर व्यवसायिक
ज्या दिकेगु सम्बन्धय् पौ छ्वःगु
खः । पतिइ हरिसिद्धिया जग्गाय्
कारखानाया थःगु हे व्यवसायिक
प्रयोजन बाहेक गुगु नं संघ संस्थाया
नामय् छँ टहरा मदयेकेत व मीगु
हस्तान्तरण व बह्र मतयेत निर्देशन बीगु
सचिव स्तरीय निर्णय जूगु खः । अथे
खःसां नं कारखाना सञ्चालकतय्सं
धमाधम जग्गा मीगु ज्या यानाच्वंसां
सरोकारवाला निकाय सुम्क च्वनाच्वंगु
शेरधन संघर्ष समितिया उपाध्यक्ष
महर्जनया धापू दु ।

कम्पनी ७ हजार स्वयां अप्वः
शेरधनीतय्त १८ दै न्ह्यवनिसें
लाभांश बिउगु मदु । उमेर हद अवकाश
जुइधुंकूपिं ज्यामि व कर्मचारीतय्सं
उपदान लगायतया सुविधा काये
खनाच्वंगु मदु । २०७० निसं कर्मचारी
सञ्चय कोषय् नं ध्यबा दुतिंगु मदु ।
हरिसिद्धिया जग्गा किसानयात लित
बीमाः धकाः न्हापा मुद्दा ल्ह्वंम्ह व्यक्ति
खः, तत्कालिन सांसद पम्फा भुसाल ।
२०६४ सं ववचाःगु संविधानसभा
दुजलय् निर्वाचित जुइधुंकाः भुसालं
तत्कालिन प्रधानमन्त्री गिरीजाप्रसाद
कोइरालाया पालय् जूगु कम्पनी
निजीकरण नीतिया विरोध यासें मजदुर
किसान आन्दोलनया नेतृत्व याःगु खः ।
कांग्रेसया नेता मदनबहादुर अमात्य नं
छू इलय किसानया आन्दोलनयात
समर्थन याःगु खः । तर, सुनां नं जग्गा
लित हयेगु कुतः धाःसा मयाः । तर,
तत्कालिन प्रधानमन्त्री मनमोहन
अधिकारीया पालय् २०५२ चैत २४
गते निर्णय यानाः कारखानाया निधि
'निस्प्रयोजित' जग्गा धासें सखिम्ह
किसानयात १५१ रोपनी ५ आना १ पैसा
लित बिउगु खः ।

आः ल्यै दनिगु कम्पनीया १०७
रोपनी जग्गा नं मीत इलय ब्यलय्
चलखेल जुयाच्वंगु दु । लिांगु इलय्
२५ रोपनी ७ आना जग्गा प्रिफेब
हाउजिड कम्पनीयात प्लटिड यायेगु
निधि मीत स्वःगु खः । उगु इलय जग्गा
मीगु सम्भौता पतिइ कम्पनीया
सञ्चालक १ अर्ब ३३ करोड तकाय्
१०८ रोपनी जग्गा मीगु व न्हापांखुसी
२५ रोपनी ७ आना जग्गा मीत १०
करोड तका बैना कायेगु सहमती याःगु
खँ न्ह्यथनातःगु दु । कम्पनीया पाखे
रोजकुमार श्रेष्ठ व न्याइम्हपाखे प्रिफेब
हाउजिडया पाखे केशव तिमिल्सिनां
हस्ताक्षर याःगु खः ।

ल्यं मेगु ल्याख्य

राम प्रजापति
प्रोप्राइटर

हारती मिठाई भण्डार
(शुद्ध शाकाहारी)

कासिमाटी चोक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९

यहाँ:-विवाह, व्रतबन्ध, पार्टी, पिकनिक, तथा अन्य शुभ कार्यको लागि अर्डर अनुसार मिठाईहरू तयार गरिन्छ ।

आयो नून खाउँ स्वस्थ रहौ

आयोडिनले स्वास्थ्यलाई स्वस्थ राख्छ

आयोडिनले स्वास्थ्यलाई स्वस्थ राख्छ

१. आई दुईटा मात्रै भएमा, आई नून खाउँ स्वास्थ्यलाई स्वस्थ राख्छ ।
२. स्वास्थ्यलाई स्वस्थ राख्छ, आई नून खाउँ स्वास्थ्यलाई स्वस्थ राख्छ ।
३. स्वास्थ्यलाई स्वस्थ राख्छ, आई नून खाउँ स्वास्थ्यलाई स्वस्थ राख्छ ।
४. स्वास्थ्यलाई स्वस्थ राख्छ, आई नून खाउँ स्वास्थ्यलाई स्वस्थ राख्छ ।
५. स्वास्थ्यलाई स्वस्थ राख्छ, आई नून खाउँ स्वास्थ्यलाई स्वस्थ राख्छ ।
६. स्वास्थ्यलाई स्वस्थ राख्छ, आई नून खाउँ स्वास्थ्यलाई स्वस्थ राख्छ ।
७. स्वास्थ्यलाई स्वस्थ राख्छ, आई नून खाउँ स्वास्थ्यलाई स्वस्थ राख्छ ।
८. स्वास्थ्यलाई स्वस्थ राख्छ, आई नून खाउँ स्वास्थ्यलाई स्वस्थ राख्छ ।
९. स्वास्थ्यलाई स्वस्थ राख्छ, आई नून खाउँ स्वास्थ्यलाई स्वस्थ राख्छ ।
१०. स्वास्थ्यलाई स्वस्थ राख्छ, आई नून खाउँ स्वास्थ्यलाई स्वस्थ राख्छ ।

राम प्रजापति प्रोप्राइटर

कासिमाटी चोक, टंकेश्वर मार्ग, काठमाडौं ।
फोन नं. : ०१-५३७२९९९, मो. ९८०३९८०६९९



ਸਰਸ

੨੦੮੨ ਭੈਸਾਖ ੧੬ ਸੰਮਤੀ:



ਭ੍ਰਮਾਥ:

चि साः तय् मत्यः



पन्नारतन महर्जन



न्हापा न्हापा बुँ यक्व
दुपिं मनूतय् धर्म याय्
गुया नामय् बुँ बाँभो
तयाः घाँय् बुइकाः
बस्तु जयगु थाय् कथं
त्वःतेगु चलन दु धयागु
रुँ बुरापाकापिनिपाखें
न्यनेदु । थज्याःगु
थाय्यात गौचरण धाइ ।
थथे गौचरण धकाः
त्वःतीगु बुँइ चि ह्वलेगु
चलन दु । चि यक्व
ह्वल धाय्वं छुं बस्तु नं
बुयावइ मखु । बालि नं
याय् जी मखु ।

बुँज्या याय्त मदय्क मगाःगु
थीथी पूर्वाधार मध्ये साः नं छू खः ।
मेमेगु दक्व पुर्वाधार दयाः नं साः मन्त
धाय्वं बालिनालि गुलि बांलाय्माःगु
खः, उलि बांलाके फइमखु । अथे
जुयाः फसल बांलाकेगुलिइ साःया
महत्वपूर्ण मूमिका दइ । सालय् थीथी
कथंया तत्व दय्माः । छू जक तत्व
दुगु साः तयाः बालि बांलाइ मखु ।
दक्वं तत्व तय्बलय् नं मात्रा मिलय्
यानाः तय्माः ।

मात्रा मिलय् मज्जीक तःगु सालं
नं बांलाक फसल बीमखु । चाय् नं थीथी
कथंया तत्व दयाच्चनी । थज्याःगु तत्व
लः, फय्, निभाः व सालं बियाच्चनी ।
साः तय्धुंकाः बालिं थःत यात माःगु
तत्व जक लिक्काः नइ । म्वाःगु दक्वं
चाय् हे सुरक्षित जुयाच्चनी । दक्वं तत्व
मिलय् जुइक दुगु चा बुँज्या याय्त
उपयुक्त जुइ । बुँइ यानागु बालियात
दक्वं हे तत्व माः धयागु जुइमखु ।
छूयात छता माःसा मेगुयात मेता
माली । थज्याःगुलिइ यानागु बालिया
जात व परिवार स्वयाः वनी ।

हः यक्व ब्वलंकेमाःगु बालियात
एमोनियम सल्फेट अप्वः मालीसा सि
सय्माःगु बालिं सुपरफोस अप्वः काइ ।
उकथं हे स्यः बल्लाकेया लागी पोतास
छयली । अथे जुयाः छू हे कथंया
बालि तःक्वःतक छथाय् हे पितकि
चाय् उगु बालियात माःगु तत्व म्त्वः
जुयाः बालि बांमलाइगु खः ।

साःया लिसें बालियात माःगु
थीथी तत्व मध्ये चि नं छू खः । चाय्
चिया भाग मन्तिक चा स्यनी । माःगु
सिबय् अप्वः जूसां स्यनी । थज्याःगु
चा प्याःथाय् जूसा ह्याउँसे वँचुसे व
गंथाय् जूसा सीसे ह्याउँसे च्वनी ।
थज्याःगु चा तछ्याय् थाकुइ, छ्वासुइ
मखु । अथे जुयाः थज्याःगु चाय् बालिं
हा क्वातुक काय् फइमखु । लः, फय्,
निभाः व सालं मेमेगु तत्व वःथें चिया
मात्रा नं छुं भचा भचा वय्गु याइ । वा
वःगु लखं नं वय्गु याः ।

वा वइबलय् वा वःगु लःया
श्रोतय् भर परय् जुइ । चि दुगु थासं
हःगु लः जूसा भचा अप्वः दइ मखुसा
म्त्वः जक जुइ । चाय् चिया मात्रा
थुकथं परिपूर्ति जूसां चिया तत्व अप्वः
माःगु बालि पिनागु जुल धाय्व उलिं
जक नं मगाय्फु । अथे जुइबलय् चाय्
चिया कमि जुयाच्चनेफु । बालिनालि
बांलाकेत थुकथं अहम भूमिका दुगु
चि बुँया चाय् मगाःसां बुँइ ह्वले
मत्यः धयागु मान्यता दु । चि ह्वलकि
महारोगि जुइ । चि ह्वलागु बुँइ
बालिनालि याय् मज्यू आदि धाय्गु
याः । थथे छाय् धयातःगु खः थुकी
छकः दुवालास्वय् ।

चि थन देसय् मदु । तापाकं निसें
हय्माः । उबलय् आः थें ल्हया हय्गु
साधन श्रोत यक्व मदु । दक्वं मनुखं
कुबियाः हय्माः । अथे जुयाः चिया
आपुर्ति यक्व याय्त थाकु । लः फय्या

लिपा म्वाय्त जिवय् मदय्क मगाःगु
चि मेथाय् अप्वः खर्च जुल धाय्वं
नय्त दइमखु । बालिइ चि तल धाय्व
अप्वः खर्च जुइगु स्वभाविक खः । चि
चायात जक मदय्क मगाःगु मखु ।
मनूतय्त मदय्क मगाः । अथे हे सा, म्ये
आदि बस्तुतय्त नं माः । म्हाय् चिया
ब्व मन्तिक सने हे फइमखु । हि मदुम्ह
थें याल्ला प्याल्ला वनी । जिउयात थथे
मदय्क मगाःगु चि बुँइ तल धाय्व
नय्त मगाय्फु ।

चिया मात्रा अप्वः जूगु चा नं
बालिनालि याय्त ज्या मवः धयागु
खँ माटो बिज्ञानय् न्हयथनातःगु दु ।
अप्वः चि दुगु थासय् छुं नं मा बुयावय्
फइमखु । अप्वः चि धयागु नं छू कथं
बिष हे खः । थथे जुयाः मृत सागरय्
छुं नं जीब मदुगु खः । मनूतय्त नं चि
अप्वः जुलकि प्रेसरया ल्वय् जुइयः ।
थथे जुइयःगु चि साः तय्बलय् अप्वः
जुयाबिलकि बालि दक्वं स्यनी । थुकथं
चिया महत्व थुइकाः चि साःया रुपय्
तय्बलय् अप्वः तइ धकाः नं बुँइ चि
साः तय् मत्यः धयातःगु खः ।

न्हापा न्हापा बुँ यक्व दुपिं मनूतय्
धर्म याय्गुया नामय् बुँ बाँभो तयाः घाँय्
बुइकाः बस्तु जयगु थाय् कथं त्वःतेगु
चलन दु धयागु खँ बुरापाकापिनिपाखें
न्यनेदु । थज्याःगु थाय्यात गौचरण
धाइ । थथे गौचरण धकाः त्वःतीगु बुँइ
चि ह्वलेगु चलन दु । चि यक्व ह्वल
धाय्वं छुं बस्तु नं बुयावइ मखु । बालि

नं याय् जी मखु । लिपा थज्याःथाय्
घाय् बुयावयाः बस्तु जयगु थाय् जुइ ।
अथे हे चि ह्वलागु थासय् सुनां नं छुं
कथंया बालिनालि याय्मज्यू धयागु
धार्मिक बिश्वास दु । थथे जुयाः नं बुँइ
चि ह्वले मत्यः धयातःगु खः ।

छखे चि ह्वलागु बुँइ बुँज्या
याय्मत्यः महारोगि जुइ, पाप लाइ
धयागु बिश्वास व धारणा दु ।
मेखे चाय् चिया ब्व म्त्वः जुलकि
चा स्यनी, बालि बांलाइमखु धयागु
सत्यता दु । थज्याःगु कथं थ्व खँ
थवंथवय् बिरोधाभाष जुयाच्चंगु दु ।
थज्याःगु निगुलिं पक्षं मुक्त जुइत न्हापा
न्हापाया बुँज्यामितय्सं कनातःकथं
सिनाज्यां वा पीबलय् चिलुक कय्गू
फवयाः ज्या याइपिनिगु द्वालय् जाय्क
बियाः थ्वँयात ल्वसा तयाबी । नयां नय्
मजीक चि लुइगुलिं भचा भचा नयाः
नय्मफुगु दक्वं अन हे ह्वलाछवइ ।
सिनाज्यां धूचापतिं थ्वं त्वंकेगु याइ ।
थ्वं त्वंकुपतिं ल्वसा नं बियाच्चनी ।
थुकथं दक्वं बुँइ न्यकं चिया मात्रा
परिपूर्ति याय्गु याइ ।

भुतुलिं पिहांवःगु फोहर मुनाः
कम्पोष्ट साः दय्काः नं चिया परि
पुर्ति याय्गु याः । न्हापा न्हापा तइगु
साःगाःया साः थज्याःगु हे खः ।
थुकी नं चिया भाग दइ । थौकन्हय्
नं भुतुलिं पिहांवःगु फोहरयात साःया
रुपय् छयलेगु याना वयाच्चंगु धयागु नं
थज्याःगु हे तरिकाया पर्याय खः ।

हरेक मंगलवाः
राष्ट्रियताको लागि समर्पित



मेरो साप्ताहिक

मेरो साप्ताहिक Mero Saptahik

मालाः मालाः ब्वनादिसँ ।



Sweet Cave

(जीवन दाईया पसः)

Kalimati, Kathmandu, Nepal

Tel: 4275511, 9741112777, 9851063000

यहाँ भोज तथा पार्टीहरूको लागि चाहिने स्पेशल दही, पनिर, लाखामरी, लालमोहन,
बर्फी, रसबरी तथा अरु विभिन्न परिकारका मिठाईका लागि सम्पर्क राख्नुहोस् ।

आउटडोर भेज क्याटरिङ पनि गरिन्छ ।

उदाय समाजया नायलय् हाकनं रूपज्योति



लहना वाःपौ/ उदाय समाजया नायलय् डा. रूपज्योति कसाः निर्विरोध निर्वाचित जुयादीगु दु ।

वंगु वैशाख ६ गते शनिवाः कसाः तःधं गुथिया ख्यलय् जूगु नीनिक्वःगु दूँ मुज्या व गुक्वःगु तःमुँज्यां डा. कसाःयात नायः निर्वाचित याःगु खः ।

उकथं हे मिसा दुजलय् रजनी ताम्रकार, रत्नकमल कंसाकार व सुमित्रा तुलाधर निर्वाचित जुयादीगु

दुसा स्वतन्त्र पाखे भवानी तुलाधर, शोभा तुलाधर व डा. अनुप श्रेष्ठार्च्य निर्वाचित जुयादीगु दु ।

उकथं हे समाजया गुंगू थरया भिङ्गू खलः पुचःपाखे डा. ज्ञानेन्द्ररत्न तुलाधर, दिव्यरत्न स्थापित, प्रमोदमान सिं बनिया, ज्ञानेन्द्ररत्न तुलाधर, ज्ञानराज सिखाकार, गौरीशोभा सिन्दुराकार, निलकमल सेलालिक, सविन वीर सिं कसाः, कनकराज

शिलाकार, शान्तमुनि ताम्राकार व रोजाली सिन्दुराकार निर्वाचित जूगु दु ।

डा. रूपज्योति कसाःया सभापतित्वय् जूगु ज्याइवलय् महासचिव रजनी वार्षिक प्रतिवेदन व शान्तमुनि ताम्रकारं आर्थिक प्रतिवेदन न्ह्यब्वयादीगु खः । उकथं हे ज्याभ् वलय् उदाय् समाजं पिथना वयाच्चंगु उदाय समाजु सफू नं विमोचन याःगु खः ।

ज्याभ्वलय् नेपालभाषा साहित्य योगदान यानादीपिं, बुद्ध धर्मय् योगदान यानादीपिं, शैक्षिक क्षेत्रय् उच्च अंक हःपिं व नेपालभाषाय् उच्च ल् याः हःपित नं सम्मान याःगु खःसा समाजया दुजःपिनि मस्तयूत थीथी व्यक्तित्वपिनिगु नां स्वनातःगु छात्रवृत्ति नं लःल्हाय्गु ज्या जूगु खः ।

श्री दिगुख्यः गुथिया न्हूगु ज्यासना पुचः

लहना वाःपौ/श्री दिगुख्यः गुथिया न्हूगु ज्यासना पुचः नीस्वंगु दु । नायलय् एलेन बैलोचन तुलाधर निर्विरोध जुयादीगु खः । उकथं हे मू छ्याज्जे विद्यारत्न तुलाधर व ल्यू दांभरि दिपकरत्न तुलाधर नं निर्विरोध निर्वाचित जूगु ख ।

निवाचनय् न्वक् न्हुच्छेशोभा तुलाधर, ल्यू छ्याज्जेय् दिपेन्द्ररत्न तुलाधर, दांभरि ससिरत्न तुलाधर निर्वाचित जुयादीगु खः ।

उकथं हे दुजलय् प्रविणा तुलाधर, रोहिणी तुलाधर, डा. सम्पूर्णमान तुलाधर, रविन्द्र तुलाधार व विकासरत्न तुलाधरयात निर्वाचित जुयादीगु खः ।

उलेज्या ज्याइवलय् ७७ दै दुपिं



व ९० दुपिं वृद्धवृद्धातयूत हनेज्या याःगु खःसा नेपालभाषाय् बांलाःगु ल्याः हर्पिं गुथिया विद्यार्थीयात नं हनेगु ज्या याःगु खः ।

उकथं हे इहिपाः यानाः वःपिं भौमचा व इहिपा यानाः वनेधुंक्पीं म्हायू मचायात नं ज्याइवलय् हनेगु ज्या याःगु खः ।

गुथिया अध्यक्ष तारावीर सिंह तुलाधरया सभापतित्वय् जूगु ज्याइवलय् गुथिइ असं, इवाः बहाः व यदूखा बहाःया तुलाधरत दुथ्याः ।

ज्याइवलय् न्हू निर्वाचित नायः तुलाधरं थःगु कार्यकालय् यायेगु ज्याया बारे कार्ययोजना नं न्ह्यब्वयादीगु खः ।

भोतय् न्या लाकेगु जात्रा



लहना वाःपौ/ ऐतिहासिक सहर भोतय् नवदुर्गा जात्रा न्यायेकल । वंगु शुक्रबाःनिसें स्वन्हुतक न्यायेकीगु जात्राय् विशेष यानाः भैरव देवगणया डा लाकेगु प्याखं क्यनी । शुक्रबाः भोत बजाःया थीथी देगलय् पुजाआजा यानाः जात्रा न्ह्याकूगु खः ।

जात्राया भूवलय् विशेष यानाः सनिलय् सहरया दबुली श्वेतभैरवया डा लाकेगु प्याखं क्यनी । जात्रा ई भ्

वःछि स्थानीयतय्सं नवदुर्गीया पासुका क्वखाव मोहन सिन्ह तिङ्गु चलन दु । जात्राया लिपांगु न्हिक्नुहु देवगण नवदुर्गा प्याखं हुइकाः ‘न्याँ लाकेगु’ ज्या जात्रा क्वचाकी ।

संस्कृति कथं वैशाखय् ख्वपं नवदुर्गा भोतय् वइ धइगु मान्यता दु । नवदुर्गा भोतय् वयेधुंकाः नगरया स्थानीयतय्सं थःथःगु छैखां विशेष पूजा याइ । थ्व हे भूवलय् श्रद्धालु

भक्तजनतय्सं पञ्चबली बिङ्गु, नवदुर्गा देवगणयात भ्वय् नकीगु खँ स्थानीय कान्छामान रज्जित कनादिल ।

भोत नगरपालिका-७ या तीनधारा दबुली नवदुर्गा जात्रा स्वयेत आपालं मनूत मुनेगु याः । जात्राया भूवलय् श्वेतभैरवं मनूया रुपय् न्याँ (स्थानीय मन्) यात ज्वनेत स्वइगु व जात्राय् ब्वति काःपिं स्थानीयत म्हुतुइ ल्हातं दायः सः पिकयाः बिस्युंव्मेसित चलन दु । थथे बिस्युंव्मेसित श्वेतभैरवं ज्वन धाःसा ‘मभिर्नि’ धाङ्गु चलन दु ।

नवदुर्गा जात्रा भोतबाहेक काभ्रेपलाञ्चोकया पन्ति, धौख्यः, चौकोट, श्रीखण्डपुरलिसें थासय् नं हुइकेगु चलन दु । अथे हे भोतय् जात्रा क्वचायेधुंकाः नवदुर्गा पन्तिइ वनीगु मान्यता दु । रज्जितया कथं नवदुर्गा जात्राया मुख्य आकर्षण ‘डा लाकेगु’ अथे धइगु न्या लायेगु जात्रा खः । न्या लायेगु जात्रा क्यनेगु भूवलय् थी थी बोल, बाजागाजाया तालय् देवगणतय्सं प्याखं ल्हइ ।

मन्त्री पाण्डेया सांस्कृतिक सम्पदा पदमार्ग दय्केगु प्रस्ताव

लहना वाःपौ/संस्कृति, पर्यटन तथा नागरिक उड्डयन मन्त्री बद्रिप्रसाद पाण्डे स्वनिगया सांस्कृतिक सम्पदा पदमार्ग दयेकेगु प्रस्ताव यानादीगु दु । अन्तर्राष्ट्रिय वैज्ञानिक समिति (काठमाडौं उपत्यका विश्व सम्पदा क्षेत्र) या स्वक्वःगु दै मुँज्यायात सम्बोधन यायेगु इवलय् वय् कलं उउगु प्रस्ताव यानादीगु खः ।

वय्कलं स्वनिगःया स्वयम्भू, हनुमानध्वाखा, यल दरवार, ख्वप दरबार, चाँगुनारायण, बौद्ध, पशुपतिनाथ लगायतया क्षेत्रय् बिस्कं पदमार्गया विकास यायेमाःगु खँ धयादीगु खः । थज्याःगु पदमार्ग पर्यटकत निश्चित जुयाः चाःहिलीगु व सम्पदाया नं संरक्षण जुइगु खँ नं वय् कलं धयादिल ।

थीथी देशय् सम्पदा क्षेत्रय् भौतिक साधन व आधुनिक साधन छ्यलाः भ्रमण याके मबीगु धासें स्वनिगलय् नं उगु कथंया सर्किट

विकास यायेमाःगु खँय् बः बियादिल । पर्यटकत सम्पदा क्षेत्र चाःहिलेगु इवलय् ढुक्क जुयाः चाःहिलेमाः धासें लिउने गाडी वइला, हर्न न्यायेकी ला ? थिइ ला धइगु भय मजुइमा धासें न्यासि वनेगु नितीतं जक जूसां छ्गू सर्किटया विकास यानाः ज्या यायेमाःगु खँ नं धयादिल ।

उकथं हे ज्याइवलय् यँ महानगरपालिकाया उपमेयर सुनिता ङंगोलं सम्पदाया विषयय् राजनीति यायेमजिउगु खँ धयादिल । उकथं उपमेयर ङंगोलं सम्पदा क्षेत्रय् जियोपोलिटिक्स मखु, नेपाःमिया हे प्रत्यक्ष ब्वति दयेमाः धासें सम्पदा नेपाःमिं हे दयेकूगु प्रमाण बीमाःगु खँ नं धयादिल । लिसें वय्कलं ठेक्का पाखें सम्पदा पुनर्निर्माण यायेबलय् संरक्षणय् समस्या ब्वलनाच्चंगु धासें धयादिल, ‘टेन्डरया कारणं सम्पदा संरक्षणय् थाकूया च्वंगु दु ।

गुथि सम्पत्ति ...

ध्यानाकर्षण, कार्टुन व पर्चा दुथ्याःगु भिडियो नं क्यनेगु ज्या जूगु खः ।

अन्तर्क्रिया ज्याइवलय् संयोजक शाक्य सुरेन, अधिवक्ता जुजुकाजी महर्जन, जसपाया संघीय आदिवासी जनजाति महासंघया युवराज राई, साटो आक्रीया सचिव किरण नरसिंह शाक्य, माओवादी केन्द्रया संघीय परिषदया दुजः परशुराम तामाङ, प्राध्यापक शत्रुगण श्रेष्ठ, सुदय शिलाकारपिसं ब्वति काःगु खः । ज्याइवः अभियानया अध्यक्ष रविन्द्र श्रेष्ठया सभापतित्वय् न्ह्याःगु खः ।

‘यँ मनपा ...

रुपय् भ्रष्टाचार जुयाच्चंगु धइगु बारे अनुसन्धान यायेमाःगु खँ नं धयादीगु दु ।

उकथं हे वय्कलं विवादया विषय जुयाच्चंगु पुलांगु बसपार्कया भ्यु टावर अनावश्यक जूगु धासें छु प्रयोजन व उद्देश्यया नितीतं काःगु खः उकिया नितीतं हे छ्यलेमाःगु धासें सटर दयेकाः महानगरं व्यापार यायेगु ज्या उचित मज्जु खँ नं धयादिल ।

उकथं हे वय्कलं यँ महानगरपालिका ऐतिहासिक, पुरातात्विक सम्पदा म्हासे यानाः दयेकूगु मेगु संरचनाया तर्क अध्ययन यायेमाःगु खँ धासें सर्वोच्चय् विचाराधीन जुयाच्चंगु छायाँ सेन्टरया प्रशंग नं ल्हवनादीगु खः । पत्रकारत लिसे खँ ल्हायेगु इवलय् वय्कलं धयादिल, ‘मुद्दा न्ह्यानाच्चंगु इलय् जिं न्ववाये

ला मिजउगु खः । तर जिगु व्यक्तिगत विचाः धइगु पुर्खुलिइ दयेकूगु उगु संरचना थुनाः पुर्खूयात जीवन बीमाः ।’ उकथं हे वय्कलं सम्पदायात पुलांगु अवस्थाय् लित हयेफतधाःसा जक सम्पदा संरक्षणय् न्ह्यानाच्चर्पित न्याय जुइगु खँ नं धयादिल ।

उपमेयर ङंगोलं ताः इलानिसें कार्यपालिकाया बैठक च्वने मफुगुलिं एजेण्डा व फाइलया चाड मुनाच्चंगु धासें थःत नं कार्यपालिकाया बैठकया नितीतं वडा अध्यक्षपिसं दबाब बियाच्चंगु खँ नं धयादिल ।

वय्कलं बैठकया नितीतं मेयर बालेन साहलिसे समन्वय यायेगु कुतः जुयाच्चंसां नं सफल जुइ मफयाच्चंगु खँ कनादिल । वय् कःया कथं थः विदेश भ्रमणं लिहां वयेधुंकाः मेयर साहयात नापलाये फयाच्चंगु मदु । वय्कलं आःया समस्या कार्यपालिकाया बैठक च्वनेवं क्वचाइ धासें बोर्ड बैठक तयेगु नितीतं थम्हं मेयर साहयात नापलायेगु कुतः यानाच्चनागु खँ नं धयादीगु दु ।

उपमेयर ङंगोलं लिपांगु इलय् सामाजिक सञ्जालय् भाइरल जूगु भिडियो क्लिप सुनियोजित जूगु दाबी यासें उकिया पूर्वांगु फुटेज पित हयेमाःगु खँ नं धयादीगु दु । वंगु चैत १० गते वडा अध्यक्ष सहित सहलह ज्याइवः सार्वजनिक याःगु १७ सेकेण्डया क्लिपय् काठमाडौं भ्यु टावर दयेकेगुलिं ५-५ करोड घुसया अफर याःगु तायेदु । उपमेयर ङंगोलं उगु इलय् थः बैठकय् मदुगुलिं उगु भिडियो मालेगु ज्या जुयाच्चंगु खँ नं धयादीगु दु ।

प्रचलित नेपाललिपिं पिहाँ वयाच्चंगु म्हासीका लय्पौ ब्वनादिसँ/ब्वकादिसँ

महसीका लय्पौ

MHASIKA Monthly | महसीका मासिक

थः मस्तयलिसे मांभासं खँल्हाये । मां भाय्या संरक्षण याये ।

लिपि थपू गुथियात छगू लख ग्वहालिया



लहना वाःपौ/ शिक्षा प्रेमी, समाजसेवी रविन्द्र महर्जनया अबु ज्ञानलाल महर्जन व मां सानुमाया महर्जनया जंक्वया लसताय् जूगु भवजय् प्रचलित नेपाल लिपि, भुजिंमोल लिपि नापं रज्जना लिपिया वर्णमाला

पिकायेगु निती लिपि थपू गुथि यलयात छगू लखया चेक लःल्हाःगु दु।

शनिवाः भवजया दथुइ जूगु ज्याइवल्य लिपि थपू गुथियाय नायः धर्मकृष्ण सिकःमियात रविन्द्र महर्जन उगु चेक लःल्हानादीगु खः।

लिपि थपू गुथियात रज्जना लिपि, प्रचलित लिपि व भुजिंमोल लिपिया वर्णमाला सफू पिकायेगु आर्थिक ग्वहालि यानागु खँ रविन्द्र महर्जन कनादीगु दु।

सच्छिम्हेसित भव्य नकेगु इलय् जुइगु खर्चयात हे छगू लख कथं अथे लःल्हानागु खः धकाः महर्जन कयादीगु दु।

अथे चेक लःल्हाःगु ज्याइवल्य नेपाली काङ्ग्रेसया केन्द्रीय दुजः माननीय मदनबहादुर अमात्य, केन्द्रीय दुजः अजयबाबु शिवाकोटी, बागमती प्रदेश सभा दुजः माननीय राम कृष्ण चित्रकार, यल महानगरपालिकाया मेयर चिरिबाबु महर्जन, गोदावरी नगरपालिकाया प्रमुख गजेन्द्र महर्जन, महालक्ष्मी नगरपालिकाया उपप्रमुख लक्ष्मी महर्जन लगायत पत्रकारपिनिगु उपस्थितिइ दुगु खः।

स्वेच्छिक मूल्यांकन कार्ययोजना प्रतिवेदन सार्वजनिक

लहना वाःपौ/ चन्द्रागिरि नगरपालिकाया दिगो विकास आज्जुया स्थानीय स्वेच्छिक मूल्यांकन प्रतिवेदन व कार्ययोजना ढाँचा सार्वजनिक याःगु दु।

चन्द्रागिरि नगरपालिकाया प्रमुख घनश्याम गिरी 'चन्द्रागिरि नगरपालिकाया 'दिगो विकास आज्जुया स्थानीय स्वेच्छिक मूल्यांकन प्रतिवेदन' यात संयुक्त राष्ट्र संघय् प्रस्तुत यायेधुंकूगु दु। नगरपालिका स्थानीय स्वेच्छिक मूल्यांकन प्रक्रियाय् दिगो विकास आज्जु मध्ये बांलाःगु स्वास्थ्य व समृद्धि, समावेशी नापं समानतामूलक गुणस्तरीय शिक्षाया सुनिश्चितता, लैङ्गिक समानता, स्वच्छ खानेपानी, सुचुकुचु व दिगो शहर व समुदायथेजाःगु न्यागू ख्यःयात मुख्य प्राथमिकता बियातःगु खः।

थुगु प्राथमिकताय् लाःगु ख्यलं आज्जुइ थ्यंकेत नगरपालिकाया ज्याइवलं पाय्छिगु लैपुइ यंकूगु दु। नगरपालिका दिगो विकास आज्जुलिसे तालमेल मिले यानाः बजेटय् साङ्केतिकरणया अभ्यास न्ह्याकेधुंकूगु दु। थ्व अभ्यास एशिया प्रशान्त



लागाय् हे छगू नवप्रवर्तनीय अभ्यास कथं तायेकूगु मु। नगरपालिकाया सभाकक्षय् ग्वसाः ग्वःगु ज्याइवल्य चन्द्रागिरि नगरपालिकाया प्रमुख घनश्याम गिरी, प्रमुख प्रशासकीय अधिकृत सुरेन्द्र थापा मगर, युएन ह्याविट्याटया प्रतिनिधि प्रज्ञा प्रधानपिसं 'दिगो विकास आज्जुया स्थानीय स्वेच्छिक मूल्यांकन प्रतिवेदन' (नेपाली संस्करण) व कार्ययोजना ढाँचा सार्वजनिक यानादिल। उगु इवल्य नगरप्रमुख गिरी समृद्धिया

आधार भौतिक पूर्वाधारया नापनाप आर्थिक, सामाजिक व प्रविधियुक्त समाज जूगु धयादिल।

वय्कलं धयादिल, "जिं चन्द्रागिरि नगरपालिकाया दिगो विकास आज्जुया स्थानीय स्वेच्छिक मूल्यांकन प्रतिवेदन संयुक्त राष्ट्र सङ्घय् प्रस्तुत यायेधुंनगु दु। दिगो विकासया थीथी आज्जु मध्ये न्यागू ख्यल्य नगरपालिका उच्च प्राथमिकता बियातःगु दु। आज्जुइ थ्यंकेत नगरया नीति, ज्याइवः व बजेट केन्द्रित जू।



वित्तीय चेतनाको लागि

नेपाल राष्ट्र बैंकको अनुरोध

- कर्जाको रूपमा प्रवाह हुने रकम कुनै व्यक्ति वा संस्थाको निजी सम्पत्ति नभई बचतकर्ताको हो।
- कर्जा प्राप्त गरेपछि जुन प्रयोजनको लागि लिइएको हो, सोही प्रयोजनमा मात्र प्रयोग गर्नु र पूर्व निर्धारित सर्तअनुसार कर्जाको साँवा र व्याज भुक्तानी गर्नु ऋणीको कानुनी दायित्व हो।
- जानाजानी नियतवश विद्यमान कानुनी व्यवस्थाको उल्लङ्घन गरी कृषि कर्जा, सहूलियतपूर्ण कर्जा, लघुवित्तबाट लिएको कर्जा र अन्य साना कर्जाको साँवा/व्याज छुट हुने आशामा कर्जा नतिर्ने, बहानाबाजी गर्ने, असन्तुष्टि जनाउने र गैरकानुनी काम गर्ने वित्तीय अनुशासन विपरीतको गलत कार्य हो।
- यद्यपि कर्जा सदुपयोग गरी निश्चित उद्यम/व्यवसाय गर्दागर्दै कुनै कारणले समयमा कर्जा भुक्तानी गर्न नसक्ने अवस्था आइपरेमा बैंक वा वित्तीय संस्थासँग समन्वय गरी तोकिएका सर्तको अधीनमा रही सो कर्जा पुनर्संरचना वा पुनरतालिनीकरण गर्न सकिने व्यवस्था गरिएको छ।

वायु प्रदूषणबाट जोगिने उपाय

- वायु प्रदूषणबाट श्वासप्रश्वासमा असर पर्ने भएकाले घरबाहिर निस्कँदा मास्कको प्रयोग गरौं,
- वातावरणमैत्री सवारी साधनको प्रयोग गरौं,
- दाउरा र कोइलाको सकेसम्म कम प्रयोग गरौं,
- निर्माणस्थल, उद्योग कलकारखाना आदिबाट निस्कने धुलो धुवाँको उचित व्यवस्थापन गरौं,
- श्वासप्रश्वाससम्बन्धी समस्या आएमा स्वास्थ्य परीक्षण गराऔं,
- जथाभावी प्लास्टिकलगायतका वस्तु नजलाऔं,
- रुखविरुवा रोपौं, हरियाली बढाऔं र वनजङ्गल जोगाऔं।

वायु प्रदूषणको असरबाट बचाऔं र बचाऔं।



नेपाल सरकार

विज्ञापन बोर्ड

छत्रपाटी निःशुल्क चिकित्सालय (अस्पताल)

"स्त्रीय शुलभ स्वास्थ्य सेवा सकसियां निती, असहायता निती जक निःशुल्क"

उपलब्ध सेवा	बहिरङ्ग सेवा	मेमेसु सेवा
२४ घण्टा सेवा	● मुटु रोग	● टेसिङ
● इमरजेन्सी	● फेद रोग	● इण्टेन्सिभी
● प्याथोलोजी	● युरोलोजी	● फोलीनोस्कोपी
● एक्स रे	● स्त्री रोग	● फिजियोथेरापी
● ई सी जी	● बाल रोग	● इन्ट्राउटर्नल र उपर र इको
● औषधि पसल	● कवल्नर रोग	● युरोपेनी लरको इन् प्रोसेसना
● अन्तरंग सेवा	● चर्म रोग	● टि.एम.टि. हल्टर
	● आँखा रोग	
	● जनरल मेडिसिन	
	● चर्म रोग	
	● नाक कान घाँटी रोग	
	● जनरल हेल्थ चेक अप	
	● नाइरोइड	
	● मधुमेह	

७०८ गंगालाल मार्ग, छत्रपाटी, काठमाडौं, फोन: ५३१६१३८, ५३५७९११, ५३६६२२९

२४ घण्टा

इमरजेन्सी सेवा